



# LINYON

Piblikasyon Linyon Demokratik Seselwa

Vol. 4

No. 3

Le 5 Avril, 2019

## SHARING AND CARING 2019

### *Ki manyer pou partaz en logmantasyon saler?*

Danny Faure in kas kon-tour. In les tonbe travayer sekte piblik ki lo pli ba saler e in abandonn prensip travay ek Lasanble. Apre en diferans lo ki manyer pour partaz logmantasyon saler, Danny in sey pran lalwa dan son prop lanmen.

Ler I ti pran baton koman Prezidan, Danny Faure ti prezant son lekor koman enn ki pou travay avek tou kote politik. I ti sipoze respekte drwa Lasanble pou pas lalwa. Me ler diferans in arive, Danny Faure in abandon son prop prensip.

Size logmantasyon saler I enn ki Seselwa in not tre byen. In montre diferans ki ekziste an se moman ant LDS e Prezidan Faure ek parti US.

Pour LDS, sa ti en loportinite pour anmenn plis lazistis dan saler. I annan R62 milyon rounpi dan bidze 2019 pour sa. Gouvernman Msye Faure pe ensiste ki sa I devre divize lo poursantaz 5% sak travayer. Setadir, logmantasyon pou komans R275 pou saler pli ba e pou mont ziska R4600 pour sa ki lo top, parey Prezidan li-menm.



**Partaze - model LDS pa model Danny Faure**

Pozisyon LDS se ki I devre annan menm sonm, par ekzanp R500 pour tou travayer, apre ki tax in ganny tire. Sa i sel fason pour fer lazistis dan sa sityasyon.

I nesese ki I annan diferans dan saler. Pa tou dimoun ki kapab ganny parey. Bann profesyonel e bann ki dan pozisyon re-

En 5% pour tou dimoun pou met plis lekar ki ekziste dan saler. R275 logmantasyon pa pou fer okenn diferens pour bann ki pli ba. I pa pou soulaz souffrans en fanmir kot I annan en sel dimoun ki travay lo en saler minimonm.

Nou dan en sityasyon kot nou sipoze annan 40% dimoun ki viv dan

bezwen swiv e donn zot travayer en logmantasyon egal.

Gouvernman pe fer en lenzistis par ensiste ki logmantasyon I lo poursantaz. In refize sanz son pozisyon. Pour sey ganny sipor piblik, M. Faure in pibliy en let kot I demande ki Lasanble I pas logmantasyon parey in propoze. Apre ki mazorite LDS ti tenir son pozisyon, Faure in decide abandonn diskisyon e pran lalwa dan son prop lanmen. Sa I en afron pour lademokrasi.

Gouvernman in sey blok travay Lasanble. Departman ki konsernen in tourn an ron lo bann sif ki Lasanble in demande lo lakantite travayer lo bann diferan nivo lapey. Minister Finans in donn en sif e Ladministasyon Piblik in donn en lot. En zour ti 11,000 e lot zour ti 15,000. Nou pa konpran ki Gouvernman pe sey kasyet.

LDS pou persiste avek son pozisyon lo sa lalwa. I pe servi pouvwat Lasanble pour regle sa. Sityasyon I kapab ganny rezourd par negosyasyon. La I le moman pour Msye Faure montre ki I kapab travay avek lademokrasi.

---

### ***Nenport kwa ki arive prezan, Seselwa in war ladiferans ant LDS ek Msye Faure e parti US.***

---

sponsabilite I bezwen ganny rekonnet avek en saler pli o. E I byen ki pli ou monte lo lesel travay dan gouvernman, ou ganny plis.

Me en gran diferans dan logmantasyon pa pou fer lazistis an se moman.

lapovrete. Koman en pei ki sipoze 'high income', sa pa akseptab. Nou bezwen redres sa sityasyon. Sa logmantasyon saler pour travayer servis piblik I zis en premye pa. Bann lakonpani paratatal e sekte prive ti

# Sov Nou Air Seychelles!

Lasanble Nasyonal in eksprim konsern Seselwa lo sityasyon Air Seychelles. Sa l en konsern ki devre reste tre vivan. Air Seychelles l en senbol nasyonal, e nou pa anv i perdi li.



Seychelles in konfirmen ki Etihad l tenir servis erport, ki deservi tou avyon e pasaze ki pase, koman garanti pour det Air Sey-

chelles. Sa l vedir ki si Air Seychelles pa kapab pey son det, Etihad l sezi erport.

Danze in ganny met o-kler ler Lasanble in revele ki Air Seychelles l annan det plis ki en bilyon rroupi (R1,000,000,000) anver Etihad Airways, lakonpani Abu Dhabi. Pourtan, ler Gouvernman ti anmenn Etihad dan partenarya avek Air Seychelles, sete spesifikman pour tir li dan det e met li lo pozisyon finansyel stab.

Partenarya avek Etihad, ki annan 40% par dan Air Seychelles, in vin en gran dezapwentman. Lafreyer lepep Seselwa prezan se ki non selman Air Seychelles l tonm dan en pozisyon kot l pa kapab kontinye anvole, me ki nou osi perdi kontrol nou erport. Zofisye Air

Sityasyon l grav. l a pran bokou mo pou repas lo bann desizyon ki'n anmenn Air Seychelles dan sa sityasyon. Tou bann lalinny ki in komanse e apre fermen, e desizyon pour lwe avyon ki apre in kennsel. Sa ki nou tenir se ki nou'n ganny anbete tou sa letan ki nou ti pe ganny dir keksoz pe al byen.

La, nou lo en pwen kot en senbol nasyonal l an danze, e osi travay en gran nonm Seselwa e byenet zot fanmir. Nou demande ki Gouvernman l fer tou sa ki posib pou protez Air Seychelles, e pli serye, pour gard kontrol lo nou erport.

## Lazenes LDS i elekte nouvo komite

Lasosyasyon Lazenes LDS in elekte l en nouvo komite pour diriz son travay.

l annan 2 an depi ki sa Lasosyasyon i ekziste e dan sa letan in anmenn zenn ansanm pour plizyer aktivite. Zot in donn koudmen dan travay politik, me osi fer travay volonter e rasanbleman sosyal.

Aaron Bonnelame, ki ti tyermenn sa lasosyasyon, in sed laplas pour permet en lot group anmenn nouvo lide.

Nouvo komite i remarkab aköz i annan 4 zenn madanm e en zenn onm. 'Chairperson' i Kelly Saminadin e i ganny siporte par Cheryl Philoe (depite); Gretel Porice (sekreter), Veronica Simeon (trezorye) e Trevor Uzice (zofisye publisite).

Sa lasosyasyon in planifye aktivite pour sa lannen e zot pou kontan ganny partisipasyon zenn sorti dan tou distrik.

Enn bann latas prensipal se pou anmenn kanpanny pour zenn anrezistre koman voter. l annan bokou zenn ki'n ganny 18 an ki pankor anrezistre. Fodre fer rapel ki zot non pa vin otomatikman lo rezis voter e alor zenn i bezwen fer sa zefor spesyal pour anrezistre.

Lasosyasyon Lazenes LDS i anv i dir bann zenn Seselwa ki lavenir pei pou dan zot lanmen e sa i komans par fer sir ki zot anrezistre pour vote. Zot osi anv i ankouraz zenn pou pran par e vin pli aktiv dan poitik. Se sel fason ki zot pou ganny sa Sesel ki zot anv i.

## LEKO

### Herminie i blanm lesklavaz pour labi drog

Dan en deklarasyon piblik, Sekreter Deta Patrick Herminie in blanm lesklavaz e letan kolonyal dan lepase pour labi drog ozordi.

Lesklavaz ti en gran kriyote e lenzistis, me pa aköz sa ki nou devre servi li koman leskiz pour labi drog. E i pa ede rod en vye trazedi pour maske en problenm ki'n devlope par leksplwatasyon lafebles nou sosyete.

Dan son pozisyon, Herminie i devre pe rod metod efikas pour konbat drog e sa i komans par war la realite, non pa rod leskiz.

### Ki pou mete dan Peace Park Sesel?

Propozisyon in ganny mete pour komans met stati dan Peace Park e pour lemoman se ansyen Prezidan Sesel James Mancham e ansyen Prezidan Sid Afrik Nelson Mandela ki'n ganny propoze.

Pwen ki Seselwa ti a kontan ganny kler se ki pou lareg met keksoz dan Peace Park?

Eski nou oule stati, e pour lekel? E ki manyer sa bann stati i devre ete?

En komite i an plas pour deside bann tel size, me i sanble ki bokou piblik i annan en lopinyon. Travay sa komite i devre ganny fer dan kler pour donn Seselwa loportinite pour met zot pwen.

### Nanm dan Kordgard? What next?

Piblik Seselwa in soke ki kordgard Glacis ti bezwen fermen aköz lafreyer nanm. Nou ankouraz dimoun pou pa tonm dan lenbesilite siperstisyon, me sirtou pa lafors ki sipoze protez Seselwa e asir sekirite. Si gard i per nanm, zot pou vin otaz nenport vwayou ki anv i fer zot per. Nou demande ki lapolis i pran sa sityasyon o serye e ki zofisye pa tonm dan siperstisyon.

TYEK NOU WEBSITE

[www.lds.sc](http://www.lds.sc)

Lenformasyon / Nouvel / Kontak / Piblikasyon